

# Ozzetta da scoula


2 / 2018

gün, 4. annada

## La scoula ideala

Elena, Mario ed Eliana s'han inscuntrats perquai chi han guadagnà blers raps. Cun quels raps voulan els fabrichar üna scoula ideala.

Elena dumanda ad Eliana co chi guardess oura la scoula ideala per ella.



Eliana respuonda: « I sto avair **bes-chas**, üna stanza per far **lezchas**, ün **kiosk** - ed üna « **zona libra da magistras** » (sala da **kino**) !»

« Hai quai es cool ☺, ma eu mettess pro amo: **ün traget da gocarts**, **üna stanza da computers**, **üna biblioteca** - ed **ün Stöckenius** », disch Mario.




Eliana dumonda ad Elena: « E tü, co sun tias ideas? » « Eu vess zugent  
**ün scumond da putschs**, **ün trampolin davant scoula**, **ün lö quiet per far mate** ed **üna stanza per mangiar marendas** », disch Elena.

Els s'han decis da metter insembel lur ideas ed han cumanzà a fabrichar. Finalmaing d'eira a fin e tuot il cumün es gnü a verer.

*Elena Niederhauser, Mario Mesquita Pinto Leite de Azevedo, Eliana Josty*

# Schola da Scoula

## 5. classa



## SCOULA DA SÖMMI



### 6. CLASSE



# la barsocca scoulaSent



da Silvano, Isai, Romana, Elisa ed Alina  
 Aint in nossa scoula da sömmis laina far üna sglischaduoira chi maina dad ün plan giò sün tschel. Per ir amunt laina fabrichar duos trenins! Ün maina sül tet pro la piazza da sport. Il seguond maina da tschella vart dal tet. Il böt es chi's va sü fin süsom cul trenin, lura as piglia la sglischaduoira verda e's va giò sül plan giavüschà.



da Jon, Flurin, Fernanda e Marina

*Bancs moderns.* Ils bancs sun moderns. Els han integrà duos moniturs cun apps per tuot ils differents roms. E natüralmaing chi's po esser adüna online. *Stanza pel temp liber.* La stanza pel temp liber es 10 m lunga e 6 m largia. Ella es mobigliada cun cuotschas, sopchas pacificas e maisas. *La scoula movibla.* La scoula movibla es raduonda e rotescha. I rotescha pervi dal sulai, lura esa adüna cler in stanza ed i's spargna energia. Sül tet esa ün pool e duos sglischaduoiras. Las sglischaduoiras rivan giò'l bogn dadaint. Per rivar sül tet as vaja cun ün lift.

lai stagnà per prodüer forza electrica per la scoula


da Flavio, Lino, Mica e Corsin

Pro nossa scoula esa ün flüm cun ün lai. D'inviern as poja ir sül lai culs patins. Dürant la stagiuon da pes-cha as poja peschar. Daspera es ün god. La sala ha 3 plans. Süsom es üna sala normala da gimnastica, sül 2. plan as poja ir cun „gockarts“ e sül 3. plan es ün bogn. Ils plans sun movibels (sü e giò e via e nan), uschè chi'd es pussibel da tils mansinar fin sü sur terra.

I dà eir stabilimaints per uffants fügitivs, 4 chasas cun stanzas da durmir ed üna cuschina.

Eir las stanzas da scoula as poja far ir aint ed oura. Cur chi sun coura es quai sco üna lobgia. Sül tet esa üna bar, üna piazza da ballarait beach e giaschigls per star a sulai.

da Fila, Talina, Elena ed Alexander  
 Nus vain üna scoula moderna cun stanzas chi's po far ir oura ed aint e'l tschêl sura resta. Dadoura vaina üna paraid da rampignar. In üna stanza esa plümatschs e mataratschs. La piazza da scoula ha ün toc cun erba artificiala. I dà eir gols e trampolins aint il fuond. La sala da gimnastica es gronda, daspera esa ün bogn da nodar cun assas da 3 ed 1 meter.



## Mutaziuns

### Karoline Andrichetti

Karoline Andrichetti lavura fинга daspö ün on in nossa scoula. Ella surpiglia a partir dal prossem on da scoula ün pensum da var 50%. Ella s'ingascha lura in tuot las 6 classas in differents roms. Nus tilla giavüschain inavant bler plaschair vi dal dar scoula.

### Sortidas

#### Marianne Schmied

Marianne Schmied ha instrui daspö il 1999 illa scoula da Scuol, il prüm sco magistra da 5. e 6avla classa e'l ultims ons sco magistra da 3. e 4. classa. Ella es statta tuot sia vita professionala magistra cun corp ed orma, il prüm a l'Istitut Otalpin da Ftan, davo illa scoula primara da Guarda e'l ultims 20 ons a Scuol. Ella ha promovü durante tuot il temp a tuot ils scolars da maniera individuala e d'eira adüna fich averta per nouvs progets e nouvas metodas d'instrucziun. Uossa po ella, davo passa 40 ons instrucziun, ir illa pensiun meritada. Nus tilla giavüschain bleras bellas uras cun seis hom, seis uffants e seis abiadis. Pissers ch'ella varà lungurs nun esa d'avair.

#### Arno Sulser

Arno Sulser ha surtut la scoula reala avant 5 ons. Avant es el stat magister a Samedan e Zuoz ed in üna scoula libra i'l chantun da Basilea. In quists ons ha el adüna savü tour a mincha scolar sco personalità ed ha adüna pisserà per mincha scolaria e mincha scolar chi hajan bunas soluziuns individualas e chi's chattan il plü bain pussibel in nossa scoula. I'l team da magisters s'ha el integrà da maniera exemplarica ed ha procurà in qualche jada per risadas. Eir Arno nu varà in avegnir lungurus cun tuot sias paschiuns, sco spassegiadas ed impustüt observar e fotografar utschels.

#### Karoline Andrichetti

Karoline instruischa daspö l'on 2010 illa scoula da Ftan. Seis roms principals d'eiran surtuot la gimnastica e l'inglais. Ella d'eira adüna fich averta per surtour substituziuns ed eir per sustgnair il team pro bleras occurrentzas. Pel prossem on da scoula es Karoline gnüda tschernüda sco magistra da rom cun ün pensum plü grond illa scoula da Tarasp. Nus tilla ingrazchain da cour per seis ingaschamaint e giavüschain tuot il bun per l'avegnir.

#### Nesa Hugentobler

Nesa Hugentobler ha instrui zambriar e textil illa scoula primara da Tarasp daspö l'on 2011. Ella ha fat quai cun grond ingaschamaint ed ans ha eir sustgnüts pro occurrentzas da scoula, p. ex. fond büschmainta da bellezza per nos teater sül Chastè da Tarasp cun blera creatività e fich bunas ideas. Per l'avegnir at giavüschain inavant bler plaschair vi dal dar scoula in quist rom artistic e creativ.

#### Alexandra Grond

Daspö l'on da scoula 2013/2014 instruischa Alexandra Grond illa scoula primara ad Ardez illa 5. e 6avla classa. Tant sco persuna d'instrucziun sco eir sco collega aint il team da persunas d'instrucziun ad Ardez ha ella adüna muossà grond ingaschamaint a favor dals uffants e da nossa scoula. Alexandra ha demischunà sia plazza sulla fin da quist on da scoula per far üna viadi plü lung. Nus tilla ingrazchain da cour per la lavur prestada e tilla giavüschain tuot il bun per l'avegnir.

### Caroline Mosca

Daspö l'on 2015 instruischa Caroline Mosca il rom disegn illa scoula primara ad Ardez. Cun sias ideas creativas ha ella pudü inchantar las scolras ed ils scolars da la 3. fin 6avla classa pel rom disegn. Ella banduna nossa scoula e s'orienteschua vers ün'otra sfida sül chomp d'instrucziun. Nus tilla ingrazchain da cour per seis ingaschamaint e tilla giavüschain tuot il bun per l'avegnir.

### Entradas

#### Madlaina Rauch

Madlaina Rauch ha cumanzà si'incumbenza da magistra fинга in avuost da l'on passà e quai davo la novità tragica da la malatia da Margaritta Bernegger. Ella es statta fich flexibla ed ha adattà durante l'on seis pensum da lavur a bön da sias scolarias e seis scolars. Nus vain grond plaschair chi ha plaschü a Madlaina qua a Scuol e ch'ella s'ha decisa da restar inavant in nos team da persunas d'instrucziun. Dal rest: Madlaina d'eira fинга avant passa 40 ons magistra primara a Scuol ed eir tanteraint es ella statta ingaschada sco pedagoga curativa in nossa scoula.



#### Corsin Marugg

Corsin Marugg es creschü sü ed i a scoula a Zuoz. Davo ch'el ha fat la maturità al Lyceum Alpinum a Zuoz ha'l frequentà la Scoul'ota Pedagogica e finischa uossa quella cul diplom da magister. El surpiglia ün pensum da circa 50% sco magister dal s-chalin ot e cumainza parallela maing culla scolaziun da magister secundar 1 a San Galla. Nus til giavüschain blera satisfacziun e tuot il bun pel cumanzamaint da sia prüma plazza da magister.



#### Selina Taisch

Davo üna cuorta interrupziun sco magistra a Samedan tuorna Selina Taisch darcheu a Scuol. Ella surpiglia in avuost la funcziun da magistra da classa da la 3. primara. Ella ha collavurà fинга i'l ons avant fich bain cun differentas persunas d'instrucziun e nus vain grond plaschair dal retuorn da Selina a Scuol. Nus giavüschain inavant bler plaschair sco magistra in nossa scoula.



#### Peter Fröhlich

Pel prossem on da scoula 2018/2019 surpiglia Peter Fröhlich las lecziuns da gimnastica da la 3. fin 6avla classa. Da cour til laina bivgnantar e giavüschar blera satisfacziun e bler plaschair illa scoula da Ftan.




### Marlyse Jenny

Nus vain plaschair cha Marlyse Jenny surpiglia las lecziuns dad art textil e tecnic, uschè vain nomnà tenor il plan d'instrucziun 21 il rom chi cumpigliaiva infin uossa il zambriar e cusir. Da cour tilla giavüschaina bun success e buna lavur in nos-sa scoula pitschna a Tarasp.



### Ladina Meyer

Ladina Meyer da Tarasp es gnüda tschernüda sco magistra primara per la 5. e 6avla classa ad Ardez. Davo avair frequentà la scoula populara a Tarasp ed a Scuol ha ella absolt ün giarsunadi da commerzi. In gün finischa ella seis stüdi a la Scoul'ota da pedagogia a Cuoir. Nus tilla bivgnantain in nos team e tilla giavüschain bler plaschair e satisfacziun per sia nouva sfida.



### Urezza Barblan-Pinggera

Urezza Barblan-Pinggera es gnüda tschernüda sco magistra primara cun ün pensum parzial ad Ardez. Ella es creschüda sü a Sent e davo la Scoul'ota da pedagogia a Cuoir ha ella instrui durante quatter ons a Zernez sco magistra da classa da la 3. e 4. classa. Ella surpiglia a partir dad avuost 4 lecziuns illa 3. e 4. classa. Eir ad Urezza bivgnantaina in nos team e tilla giavüschain bler plaschair culs uffants d'Ardez e Guarda.



### Mortori

#### Margaritta Bernegger (1959 – 2018)

Normalmaing esa bel da scriver da las müdadas in scoula. Quist on es la situaziun ün pa otra causa cha'l team da magisters da Scuol ha stuvi acceptar eir üna gronda perdita. Margaritta Bernegger es gnüda confrontada la stà passada cun üna malatia fich maligna ed ha uschè stuvi redüer plan a plan seis pensum e finalmaing, davo Chalandamarz rafüdar d'instruir. Ella es morta als 19 avrigl da quist on, ill'età da gnanca 60 ons. Margaritta ha instrui durante divers ons adüna darcheu illa scoula da Scuol, il prüm ha ella fat differentas substituziuns e davo es ella statta divers ons magistra da classa pitschna. Tanteraint ha ella instrui ün pér ons illa scoula d'uffants cun impedimaints a Puntraschigna. Davo es ella tuornada a Scuol ed ha lavurà qua darcheu sco pedagoga curativa fin in marz da quist on. Ils uffants han predschà seis ingaschamaint. Ella ha adüna sustgnü a scolars surtuot eir pro la tscherna da lur professiun. Il cussagl da scoula, ils collegas e'l scolars tilla tegnan in buna memoria.

## Introducziun dal plan d'instrucziun 21 illas scoulas dal Chantun Grischun: Perche, che, co e cura?

(tenor la broschüra „Ils pucts principals sco survista“ dal Departament da cultura e proteczion da l'ambiant dal Chantun Grischun e da la Conferenza dals directurs da l'educaziun da la Svizra tudais-chas; schner 2018)

Cul cumanzamaint dal nouv on da scoula in avuost 2018 vain introdüt in tuot il Chantun Grischun il plan d'instrucziun 21 GR (PI21 GR) pella scoulinia, pella scoula primara e pella prüma e seguonda classa dal s-chalin ot. Ün on plü tard vala lura quel eir pella nouavla classa. Sco mincha plan d'instrucziun descriva eir il PI21 GR l'incumbenza cha la società dà a la scoula.

Pella prüma jada ill'istorgia da la Svizra varan ils 21 chantuns tudais-chs e plurilings il medem plan d'instrucziun. Uschè ha quel plan d'instrucziun eir survgni seis nom: plan d'instrucziun 21. Quel plan d'instrucziun nu müda la scoula cumplettamaing, però listess daja divers müdamaints. L'idea fundamentala dal PI21 GR es cha'ls uffants nu dessan s'acquistar be savüda, dimpersè chi dessan eir savair far adöver da quella.

Il PI21 GR descriva in fuorma da cumpetenças che cha las scolaras ed ils scolars imprendan dürant la scoula populara. Il focus i'l PI21 GR vain miss plü ferm sulla cumbinaziun e l'applicaziun da savüda, sco eir da capacitäts ed abilitäts.

Il PI21 GR es structurà cun agüd da ciclus (ciclus 1: scoulinia fin seguonda classa; ciclus 2: terza fin sesavla classa e ciclus 3: s-chalin ot) e descriva che cumpetenças chi dessan gnir ragiuntas cura.

Divers roms da scoula sun nouvs o survegnan oters noms: Il rom „etica e religiuns“ vain introdüt in scoula primara sper il rom „religiun“ („1+1“; votumazion a l'urna), il rom „medias ed informatica“ vain introdüt fingiä in 5avla

classa, „orientaziun professiunala“ vain instrui nouv sco rom independent in 8avla classa e'l rom „economia, lavur e tgnairchasa“ rimplazza il rom „economia“. Implü daja ün on plü tard pella 9avla classa üna part „individualisaziun“, ingio cha mincha scolaria e mincha scolar po metter svess accents individuals. Eir la sporta da roms da tscherna as müda in conugal cul plan d'instrucziun existent. Il rest dals roms da scoula resta listess o survain simplamaing ün oter nom.

In connex cun l'imprender a scriver daja eir ün müdamaint. Las scolaras e'l scolars da la prüma classa primara imprendan üna scrittura adattada chi's nomna „scrittura da basa“ avant co imprender la scrittura persunala e quella cun tastatura. La scrittura liada crouda davent.

Siond cha'l plan d'instrucziun s'adatta a las pretaisas cha nossa società metta hozindia a la scoula, suna persvas ch'el saja ün inrichimaint per nossas scoulas ed impustüt per noss uffants.

Per no sco scoula populara serva il PI21 GR sco cumpass chi sustegna a las persunas d'instrucziun pro la planisaziun da l'instrucziun. In quel sen ans allegraïna da pudair lavurar in avegnir cun ün plan d'instrucziun coordinà cun 20 0ters chantuns, cun tematicas actualas e cun möds da lavurar moderns.

Pel team da mainascoulas dal cumün da Scoul Gian Caviezel, mainascoula scoula Sent



### salas da gimnastica avertas

Uffants da tuot las fracziuns sun bainvgnüts da gnir a giovar e far movimaint in compagnia. No drivin üna da nossas salas da gimnastica las seguaintas dumengias:

11 da november 2018 a Scoul 14:00-16:00  
18 da november 2018 a Tarasp 14:00-16:00  
25 da november 2018 ad Ardez 14:00-16:00

### Plan da scoula 2018 / 19

Scoula	Vacanzas
20.08.2018 - 05.10.2018	06.10.2018 - 21.10.2018
22.10.2018 - 21.12.2018	22.12.2018 - 06.01.2019*
07.01.2019 - 01.03.2019	02.03.2019 - 10.03.2019
11.03.2019 - 03.05.2019	04.05.2019 - 19.05.2019
20.05.2019 - 28.06.2019	29.06.2019 - 18.08.2019

\*Las vacanzas da Nadal a Sent cumainzan als 25 decembre 2018.

### Üsanzas

Ftan	Scoul
21 dec. 2018	Nadal da scoula
02 favrer 2019	Schüschaiver
01. marz 2019	Talocs
02 marz 2019	Chalandamarz

Sent	Tarasp
24 dec. 2018	Nadal da scoula
01. marz 2019	Chalandamarz

Ardez	Guarda
**	Nadal da scoula
01. marz 2019	Chalandamarz
	28 favrer 2019 Chalandamarz
	01. marz 2019 Chalandamarz

\*\* La data dal Nadal da scoula ad Ardez e Guarda vegn datta cuntschainta plü tard

### Dis da festa

1. november 2018	Festa da tuot ils Sonchs (be Tarasp)	30 - 31 mai 2019 Ascensiun + punt d'ascensiun
19 - 22 avrigl 2019	Pasqua	09 - 10 gün 2019 Tschinquaissa

Quist chalender rimplazza tuot ils chalenders chi sun gnüts publichats plü bod!

### Scoula Scoul

Manader da scoula	Mario Rauch	mario.rauch@scoula-scuol.ch
Secretaria	Gretta Ursina Garcia-Nogler	Tel. 081 861 27 62
Pedels	Elmar + Elisa Schöpf	Tel. 081 861 27 60

Tel. stanza da magisters 081 861 27 63

E-mail secretariat@scoula-scuol.ch

Uras da büro lündeschdi e marcurdi 08.00 - 09.30

Scoula Ftan	Scoula Sent
Manadra da scoula	Gian Caviezel
Pedella	Silvio Vital
Tel.	081 864 05 52

E-mail giancaviezel@gmx.ch

Uras da büro lündeschdi 10.45 - 11.45 e mardi 15.15 - 16.15

### Scoula Tarasp

Manadra da scoula	Martina Näff-Benderer	Tel. 081 860 38 24
Pedella	Raja Schulze	
Tel. stanza da magisters	081 864 09 29	

E-mail martinanaeff@hotmail.com

Uras da büro lündeschdi davomezdì tenor cuvegna


### Scoula Ardez

Manader da scoula	Duri Janett	duri.janett@gmail.com
Pedella	Marie Luise Taisch	Tel. 079 469 12 03
Tel. stanza da magisters	081 862 23 10	
Uras da büro	gövgia 14.15 - 15.00	

# Nossa stanza da scoula da sómmi

Nossa stanza da scoula  
vess bleras fanestras ûna  
cuotscha, i pads, ûn beamer  
ed ûn pêr plantas.

Cristina e Fabrizio  
5.classa




Nossa stanza da sómi es  
fich moderna. Nus vain sún  
ûn banc dubel 2 computers  
e sún ûn banc dubel vaina 2  
i pads. Las fanestras sun  
grondas. In nossa stanza esa  
amo ûn aquarium, ûna planta  
ed ûn beamer. Nus vain eir amo  
ûna cuotscha raduonda, ûn  
pult raduond per la magistra.

Rezia e Loris  
6 cl. 5 cl.



Nus vain ûn local  
plain ava ed islas  
cun sü ûna palma,  
quai sun bancs dubels.  
No eschan aint illava  
dûrant l'instruzion.

Chiara e Sandro



Nossa stanza da scoula da  
sómmi füss in 4 parts:  
informatica, musica e chant  
ed istorgia e lingua ed istorgia  
natûrala. Pro l'informatica laina  
gnir a savair co châlls  
computers funzioni, pro la  
musica laina pravar oura nouvs  
instumentis, pro l'istorgia laina  
discuerrer dal temp passà e pro  
l'istorgia natûrala laina gnir  
a savair co cha las plantas  
as sviluppan e co châlls  
peschs vivan.

Jasmin Maria

# GUardeZ

## Nossa scoula da sömmi



In nossa scoula da sömmi nu daja ingüñas lezchas. I nu dà neir na uraris prescrits. I's po gnir a scoula cur chi's voul. La scoula es averta da las 8:00 fin las 18:00. Ma i's sto lavurar almain quatter lecziuns al di. I dà vainch minutus posa davo mincha seguonda lecziun. Ils roms sun gimnastica, inglais, matematica, tudais-ch, rumantsch, reals e zambriar. In nossa scoula daja üna maschina da glatsch, üna bar per uffants e s-chaffas pels scolars. Dasper la scoula daja üna plazza da ballapè ed üna sala da gimnastica. Nossa scoula guarda oura fich moderna. Ella ha bleras antennas sül tet per chi s'haja ha bun internet.

Matteo, Moreno, Adrian.K

Nus vain üna gronda scoula cun blers uffants. In nossa scoula cumainza la prüma leczin a las 9:00. L'avantmezdi düra fin a las 11:30. Nus giantain a scoula. Davomezdi lavuraina da las 13:30 fin las 16:00. Aint illa scoula as poja far sport ed amo otras robas fich flottas. Nus pudain lavurar suvent cul computer. I nu dà lezchas. I's po tour ils telefonins a scoula.

Nossa scoula es partida sü in duos chasas. Tanter las duos chasas es ün fich grond bös-ch da fôglia cun ün üert da paradis per star pacific ed as recrear. Nus vain üna gronda plazza da giovar per la posa. I dà ün bogn da nodar, ün bogn chafuol per siglir giò da l'assa ed üna halla da hockey. La stanza chi ha puncts da differentas culuors giò per terra, es la stanza per star pacific sün sach. Nossa scoula ha 5 plans. Sün nos disegn as vezza be üna part da la scoula.

Cyril, Marcel, Silvan, Xenia



In nossa scoula giaina da las nouv fin las dudesch. La posa düra 30 minutus. Davomezdi vaina adüna liber. Mincha di vaina üna leczin gimnastica. I nu dà mai lezchas e chastis. Nus giain bler a spass. Dürant la posa as poja dovrar il telefonin. In nossa scoula as lavura bler cul computer. In nossa scoula daja roms libers e stanzas libras. Nus pudain lavurar vi da che tema cha nus lain ed ingio cha nus lain.

Davant nossa scoula es ün bügl. Sper la plazza da sport es ün bogn ed üna gardaroba tocca eir pro. Dasper il pool esa giaschaditschs. Dadour scoula esa üna maisa da ping pong verda. Nossa scoula ha duos plans. Il corridor es larg e lung. Id es ün lung bankin aint il corridor. In nossa scoula daja trais stanzas da scoula. Circa 40 scolars van pro nus a scoula. Mincha di as tschüffä da la scoula ün panin da posa.

Fadri, Adrian M., Martin

# Quistas scolaras e quists scolars bandunan davo 9 ons nossas scoulas. Per l'avegnir tils giavüschaina tuot il bun!



Emilia Stuppan  
paura



Niculin Andri Felix  
tecniker d'arranschamaints



Kevin Ferreira  
fotograf



Claudia Franziscus  
assistenta da meidi



Niclas Bazzi  
10-avel on



Mazzina Noggler  
chürunza (FaGe)



David Bucek  
commerciant da Banca



Steivan Ruben  
tapezier



Fabio Mosca  
mediamatiker



Giovanni Cutullè  
commerciant



Melanie Waser  
assistenta da daintist



Mauro Peer  
polymechaniker



Christian Holm  
mecatroniker d'autos



Martin Noggler  
paar



Lukas Zellweger  
falegnam



Nicola Rotiroti  
10-avel on



Corsin Raisun  
chürunz (FaGe)



Martina Zini  
educatura d'uffants (FaBe)



David Ristic  
logistiker





Flavio Egler  
informatiker



Melvin Kaufman  
cuschinunz



Larissa Andersag  
disegnadura da  
construziun bassa



Sandro Marchesi  
cuschinunz



Marco Mauri  
commerciant  
d'administraziun cumüna



Julius Jacobs  
cuschinunz



Inês Coelho  
detaillista